

Tej Lus Uas Xav Nug Txog Tus Neeg Sawv Cev Txiavtxim Siab

Frequently Asked Questions About Guardianship

Ib Tsab Ntawv tawm los ntawm MAGiC: Ib lub Koomhaum uas Khiav Txog Txoj Kev Ua Sawv Cev Pab Txiavtxim Siab

Tus neeg sawv cev txiavtxim siab yog li cas?

Tus neeg sawv cev txiavtxim siab yog tus neeg uas tau kev tso cai pom zoo lawm ntawm rooj txiavtxim plaub ntug los txiavtxim siab rau qee yam lossis tagrho txhua yam rau tus neeg uas nws tsis muaj cuabkav txiavtxim siab rau nws tuskheej vim muaj kev xiam.

Tus vaj (ward) yog tus neeg uas muaj tus neeg sawv cev txiavtxim siab rau nws. Rooj txiavtxim plaub ntug yuav tsa tus sawv cev txiavtxim siab yog tias tus neeg tsis meej pem xws li tus neeg ntawd nws tsis muaj kev totaub txaus lossis muaj cuabkav los tham lus txiavtxim siab tau thiab nws tus cwjpw qhia tau tias nws yuav nrhiav tsis tau kev tu nws tuskeej, zaub mov noj, khaubncaws nhav, tsev nyob lossis kev paujphais (safety). Ua ntej tsa muaj tus sawv cev txiavtxim siab, rooj txiavtxim plaub ntug yuavtsum pom tau tias tsis muaj lwm txoj kev uas yuav yoojyim tshaj txoj no nyob qhov twg ntxiv.

Tus neeg sawv cev txiavtxim siab yog tus muab kev txiavtxim siab pom zoo, tus xyuam xwm kev pab thiab ua tus txhawb nqaa tus neeg uas muaj tus sawvcev txhua yam. Tus sawv cev txiavtxim siab tsis yog thiab tsis hloov tus phoojywg lossis li ib tus neeg hauv tsev neeg.

Leej twg thiaj ua tau tus neeg sawv cev txiavtxim siab?

Txawm tias txoj cai samfwm tias yuav tsa tus twg, qhov zoo tshaj plaws, rooj txiavtxim plaub ntug yuav xam seb tus twg thiaj yuav ua tau tus sawv cev txiavtxim siab zoo lawv li tus neeg uas tsis muaj cuabkav txiavtxim siab lub siab nyiam los kev xav tau. Tus sawv cev yuav yog ib tus ntawm tsev neeg los tau, phoojywg, tus txawj ntse uas twb ua tus sawv cev los lawm, koomhaum pab neeg, lossis lwm tus neeg ua muaj kev movtshua. Lawv li txoj cai, tus neeg sawv cev txiavtxim siab yuav tau ua tsab ntawv tshawb xyuas nws keebkwm plaub ntug thiab kev tu neeg seb puas zoo, ntxiv rau lwm yam.

Tus neeg sawv cev txiavtxim siab muaj cai li cas thiab dejnum yog li cas?

Tus neeg sawv cev txiavtxim siab ruas ua tau txij li cov cai uas rooj txiavtxim plaub ntug pom zoo tso rau nws. Yam uas tsis tau kev tso cai tus neeg uas muaj tus sawv cev tseem tswjhum li qub. Rooj txiavtxim plaub ntug yuav tso cai lossis tsis kam tso cai rau tus sawv cev txiavtxim siab los pom zoo seb tus neeg uas muaj tus sawv cev no nws qhov chaw yuav nyob qhov twg, yuav tu nws tej vajtse thiab khoom li cas, yuav txiavtxim siab rau kev kho mob lossis kev tu li cas, saib xyuas tej khoom li cas, pom zoo rau kev cog lus ua ib yam dabtsis li cas, saib xyuas tus neeg kiag li cas, thiab thov nyiaj tsoomhvw rau tus neeg muaj tus sawv cev tau li cas. Tus sawv cev txiavtxim siab tsis muaj cai pom zoo rau kev kho mob yam uas paub tseeb tias tus neeg muaj tus sawv cev tsis txaus siab.

Kev tsa tus sawv cev txiavtxim siab yog tsa li cas?

Txhua tus neeg uas muaj siab movtshua txog, tsis hais ib tus twg nyob hauv tsev neeg lossis phoojywg, muaj cuabkav hais koj rooj txiavtxim plaub ntug tsa muaj tus sawv cev txiavtxim siab. Rooj txiavtxim plaub ntug li teem caij tuaj hais thiab xa ntawv mus qhia rau tus neeg muaj tus sawv cev thiab cov neeg uas muaj siab movtshua txog tus neeg muaj tus sawv cev txiavtxim siab. Rooj txiavtxim plaub ntug yuav tsa muaj tus kws lijchoj los sawv cev tus neeg muaj tus sawv cev txiavtxim siab thaum tuaj sibhais. Thaum los sibhais, yuavtsum muaj povthawj qhia tau tias tsimnyog yuav tsa muaj tus neeg sawv cev txiavtxim siab. Qhov no yuav siv sijhawm li ob peb lub hlis mam li tiav.

Leej tws them nyiaj ua nqi rau kev tsa muaj tus neeg sawv cev txiavtxim siab?

Nqi rooj txiavtxim plaub ntug, nqi kws lijchoj ntawm tus tuaj hais thiab nqi kws lijchoj ntawm tus tus neeg muaj tus sawv cev, thiab tej nqi them rau tus neeg sawv cev txiavtxim siab tag nrho yog los ntawm tus neeg muaj tus sawv cev lub cuabtiam. Cov neeg ua tus sawv cev muaj cai kom them nqi rau lawv tej kev pab. Thaum tus neeg muaj tus sawv cev tsis muaj nyiaj los them nqi rau tus sawv cev tej kev pab lawm, yuav tau txiaiv nws cov nyiaj uas tau txais los los pab them qee yam kev pab lossis khaubtis mam li pab them qee yam.

Muaj kev tivthaiv tau li cas rau tus neeg uas muaj tus sawv cev txiavtxim siab?

Tus neeg sawv cev txiavtxim siab muaj kev saib xyuas los ntawm rooj txiavtxim plaub ntug. Txhua xyoo tus sawv cev yuav tau ua ib tsab ntawv qhia txog tus neeg muaj tus sawv cev seb nws nyob li cas lawm khaws cia rau hauv rooj txiavtxim plaub ntug. Tus sawv cev muaj cai hais kom rooj txiavtxim plaub ntus xuum txoj kev ua tus sawv cev tau txhua lub sijhawm. Kev tsis txaus siab rau tej dejnum uas tus sawv cev ua lossis kev pom zoo, yog tias sibtham kho tsis tau, hais mus rau lub rooj txiavtxim plaub ntug uas tsa tus sawv cev, lossis ua ntawv tsis txaus siab xa rau hauv khaubtis qhov chaw ua haujlwm saib xyuas cov neeg laug uas yog Adult Protection.

Puas muaj lwm txoj kev uas tsis tag yuav muaj kev tsa tus sawv cev txiavtxim siab?

Tus neeg sawv cev txiavtxim siab yog yam kawg uas tsis muaj lwm txoj kev lawm xwb. Qhov zoo tshaj, xav kom tau txoj kev uas tsis muaj cai tswjhwj ntau ntau los pab xwb, xws li ua tsab ntawv kws lijchoj tso cai kho mob (health care power of attorney/directive), ua ntaub ntawv saib xyuas lossis muaj kev pab los ntawm ib tus neeg hauv tsev neeg lossis phoojywg—yog pom tau tias lawv yuav pab tau tus neeg muaj tus sawv cev.

Nhiav Kev Kom Totaub Txoj Cai Meej

Minesxaustas lub koomhaum kev koomteg ntawm cov neeg sawv cev txiavtxim siab uas hu ua The Minnesota Association for Guardianship and Conservatorship (MAGiC) tau npaj muaj tsab ntawv no ua lub homphiaj los qhia dav dav xwb. Tsab ntawv no tsis yog los hloov tswvyim ntawm tus kws lijchoj thiab tsi pub siv mus li ntawd. Koj yuavtsum tau tivtauj ib tus kws lijchoj los tham txog yam kev cai uas koj muaj teebmeem txog.

Minnesota Association for Guardianship & Conservatorship
www.minnesotaguardianship.org